



საჯარო სამართლის იურიდიული პირი ლ. საყვარელიძის სახელობის

დაავადებათა კონტროლისა და საზოგადოებრივი ჯანმრთელობის ეროვნული ცენტრი

National center for Disease Control & Public Health



KA030651144469319

საქართველო, ქ. თბილისი, 0198, კახეთის გზატკეცილი N99; ტელ: (+995 32) 2192595; ცხელი ხაზი: 116001
Kakheti Highway N99, 0198, Tbilisi, Georgia; Tel: (995-32) 2192595; Hot line: 116001; E-mail: ncdc@ncdc.ge

#06/4608

16 / დეკემბერი / 2019 წ.

საქართველოს ოკუპირებული
ტერიტორიებიდან დევნილთა, შრომის,
ჯანმრთელობისა და სოციალური დაცვის
მინისტრის
პირველ მოადგილეს
ქალბატონ თამარ გაბუნias

ქალბატონო თამარ,

როგორც თქვენთვის ცნობილია, სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში - ცენტრი) დებულების განახლებულ ვერსიაში, რომელიც საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროში გამოიგზავნა მიმდინარე წლის 21 აგვისტოს #06/3090 წერილით, ცენტრის სამტატო განრიგში, საქართველოს მთავრობის 2014 წლის 7 მაისის N 342 დადგენილებით დამტკიცებული "ნარკომანიის ბრძოლის საკოორდინაციო საბჭოს" რეკომენდაციის გათვალისწინებით, დამატებული იყო "ნარკოვითარების მონიტორინგისა და ანალიზის სამმართველო" 3 (სამი) სამტატო ერთეულით, რომელიც, როგორც ჩვენთვის ცნობილია, ამ ეტაპზე უკვე აღარ ემატება ცენტრის სტრუქტურას; შესაბამისად, ამ ცვლილების კორექტირება განხორციელდა ცენტრის მიერ, ხოლო სხვა დანარჩენი უცვლელი დარჩა. "საჯარო სამართლის იურიდიული პირის შესახებ" საქართველოს კანონის მე-12 მუხლის პირველი პუნქტის "დ" ქვეპუნქტის შესაბამისად, ცენტრი, ზემოაღნიშნული ცვლილების გათვალისწინებით, შესათანხმებლად წარმოგიდგენთ სამტატო ნუსხისა და სახელფასო ფონდის განახლებული ვერსიას ცენტრის ფუნქციებიდან და 2018-2022 წლების სტრატეგიის მიმართულებებიდან გამომდინარე, კურატორ მოადგილეებთან წინასწარი კონსულტაციებისა და რეკომენდაციის გათვალისწინებით. ასევე, წარმოგიდგენთ, ამავე მიზეზით განახლებულ - "საჯარო სამართლის იურიდიული პირის - სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის დებულების დამტკიცების შესახებ" საქართველოს შრომის, ჯანმრთელობისა და სოციალური დაცვის მინისტრის 2007 წლის 28 მარტის N 107 ბრძანებაში ცვლილების შეტანის შესახებ", საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანების პროექტს.

"საჯარო სამართლის იურიდიული პირის - სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის დებულების დამტკიცების შესახებ" საქართველოს შრომის, ჯანმრთელობისა და სოციალური დაცვის მინისტრის 2007 წლის 28 მარტის N 107 ბრძანებით, ცენტრი საქმიანობას განახორციელებს მის კომპეტენციაში შემავალი ფუნქციებისა და უფლებამოსილებების ფარგლებში, რომლებიც დეტალურად არის განვირეც ცენტრის სტრუქტურული ერთეულების დებულებებში.

ძირითად სამართლებრივ საფუძვლებზე დაყრდნობით და არსებული გამონკვევების და ქვეყნის განვითარების მიზნების საპასუხოდ, გასული წლის აგვისტოში ცენტრის გენერალური დირექტორის ბრძანებით დამტკიცდა ახალი სტრატეგია, რომლის მიხედვით განსაზღვრულია 7 ძირითადი მიმართულება: გადაამდები დაავადებები; არაგადამდები დაავადებები, გარემო და ჯანმრთელობა; საზოგადოებრივი ჯანმრთელობის საგანგებო მდგომარეობები; სამეცნიერო საქმიანობა, ჯანდაცვის ინფორმაციული სისტემები და ჯანდაცვის სისტემის მართვა.

ცენტრის მომდევნო წლების ერთ - ერთი უპირველესი პრიორიტეტია კლიმატის ცვლილებისა და გარემო

დევნილთა, შრომის, ჯანმრთელობისა და სოციალური დაცვის სამინისტროს (შემდგომში - სამინისტრო) ევალება მნიშვნელოვანი ფუნქციების განხორციელება, მათ შორის სტრატეგიული გარემოსდაცვითი შეფასებისთვის (სგშ) კომპეტენციის ფარგლებში სკოპინგის განცხადებისა და თანდართული დოკუმენტების განხილვა და სკოპინგის დასკვნის გაცემა და სგშ-ის ანგარიშთან და სტრატეგიულ დოკუმენტთან დაკავშირებით რეკომენდაციების შემუშავება, ამ პროცესებში სამინისტროსთან ერთად უნდა ჩაერთოს ცენტრის შესაბამისი თანამშრომლების გუნდი. ასევე, ცენტრი წარმოადგენს “2018-2022 წლების ეროვნული სამოქმედო გეგმის (NEHAP -2) შესასრულებლად შექმნილ გარემოსა და ჯანმრთელობის ეროვნული სამოქმედო გეგმის საკოორდინაციო საბჭოს სამდივნოს (საქართველოს მთავრობის 2019 წლის 12 აპრილის N 828 განკარგულება) და ასრულებს ამ განკარგულებით დამტკიცებული დებულების მოთხოვნებს, ასევე, ცენტრს, თავადაც აქვს შესამუშავებელი, ზემოაღნიშნული სამოქმედო გეგმის მიხედვით შესაბამისი სამართლებრივი დოკუმენტების პროექტები.

ზემოაღნიშნულიდან გამომდინარე, მიზანშეწონილად მიგვაჩნია, შიდა სტრუქტურული ცვლილების საფუძველზე გაძლიერდეს ცენტრის გარემოს ჯანმრთელობის სამმართველო და შეიქმნას გარემოს ჯანმრთელობის დეპარტამენტი, რომელშიც, ამ ეტაპზე, შეიქმნება ერთი - გარემოს რისკ-ფაქტორების შეფასების და მონიტორინგის სამმართველო. ამ საკითხთან დაკავშირებით, გვინდა დამატებით მოგახსენოთ, რომ ცენტრში მიმდინარე ევროკავშირის დატყუპების პროექტის (TWINING) დასრულების შემდგომ, სამუშაო ჯგუფის საბოლოო ანგარიშის თანახმად, ექსპერტების მიერ, რეკომენდებულია ანალოგიური გაძლიერების საკითხი. აღნიშნული დეპარტამენტი კოორდინაციას გაუწევს “საზოგადოებრივი ჯანდაცვის, გარემოსა და პროფესიულ დაავადებათა ჯანმრთელობის სფეროში აღებული ვლდებულებების ხელშეწყობის” სახელმწიფო პროგრამას, სამომავლოდ თანამედროვე სტანდარტებით აღჭურვილი საერთაშორისო ტიპის გარემოს სინჯების კვლევის ლაბორატორიის ჩამოყალიბებას, რაც განსაკუთრებით აქტუალური გახდა ქვეყანაში ტყვიის პრობლემის გამოკვეთასთან დაკავშირებით და განახორციელებს კანონმდებლობით განსაზღვრულ სხვა ფუნქციასაც.

ცენტრის ერთ-ერთი სტრატეგიული მიმართულება გულისხმობს საზოგადოებრივი ჯანდაცვის სისტემების მართვის გაძლიერებას, სადაც წამყვანი როლი ცენტრს უჭირავს, საზოგადოებრივი ჯანმრთელობის სახელმწიფო პროგრამების განხორციელებითა და თანამედროვე ლაბორატორიებით აღჭურვილი ცხრა რეგიონული სტრუქტურული ერთეულის მეშვეობით, რომლის საშუალებით კოორდინაციას უწევს ქვეყნის მასშტაბით არსებულ მუნიციპალურ საზჯანდაცვის ცენტრებს. უფრო მოქნილი და გამართული მუშაობისთვის მიზანშეწონილად მიგვაჩნია გაერთიანდეს დღეს არსებული ორი სტრუქტურული ერთეული - სახელმწიფო პროგრამებისა და საზოგადოებრივი ჯანდაცვის რეგიონული მართვის დეპარტამენტები და შეიქმნას საზოგადოებრივი ჯანდაცვის სახელმწიფო პროგრამებისა და რეგიონული მართვის დეპარტამენტი.

მოგახსენებთ, რომ საშტატო ნუსხა და სახელფასო ფონდი ამოქმედდება 2020 წლის 8 იანვრიდან. (წერილს თან ახლავს: “საჯარო სამართლის იურიდიული პირის - სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის დებულების დამტკიცების შესახებ” საქართველოს შრომის, ჯანმრთელობისა და სოციალური დაცვის მინისტრის 2007 წლის 28 მარტის N 107 ბრძანებაში ცვლილების შეტანის შესახებ” საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანების პროექტი, ცენტრის საშტატო ნუსხა და სახელფასო ფონდის პროექტი, ცენტრის მოქმედი დებულება).

პატივისცემით,

გენერალური დირექტორი

ხელმოწერილია/
შტამპდასმულია
ელექტრონულად



ამირან გამყრელიძე